

籌辦夷務始末

籌辦夷務始末卷之二十七

道光二十一年辛丑閏三月乙卯

欽差大臣江蘇巡撫裕謙奏竊粵前於三月十五日在定海軍營  
拜摺後即登舟內渡回至鎮海軍營沿途察看商漁樂業  
各處戍守均極嚴整鎮海兵情踴躍民氣恬熙連日以來  
確探附近洋面並無夷船帆影而山陬海澨潛伏居民漁  
戶以待邀截夷船者仍復不少就此情形而論該逆似不  
敢前來侵犯自尋死路惟屢得廣東來文二月二十四日  
我兵擊沉夷船傷斃夷逆後二十六日仍敢竄入近省洋  
面因見防守嚴密不戰而退種種詭譎情形實屬叵測現

在靖逆將軍奕山等想已到粵一經開仗該逆於敗竄之餘必將聯聚大幫前來定海以圖一逞。竊不敢因定海土城礮城將次完竣扼要地方亦已設守稍存大意商之提臣余步雲將已經鑄成三千斤銅礮十七位內撥出十位又一千斤銅礮二十位內撥出十位先後解赴定海交該鎮總兵葛雲飛擇要安設。餘留鎮海防堵。又將岑帶來河南提礮撥出一百桿解交壽春鎮總兵王錫朋逐日教令操演。其原調該標兵一千二百名均稱勇健除伊里布先已調赴定海兵四百名外尚有八百名岑亦已一併陸續調往統計定海現有兵五千六百餘名大小新舊礮七十

位前經督派往籌辦善後之江蘇候補知府黃冕勇敢精細與官兵民勇同甘共苦亦能調和諸將使無彼我之分又有署定海縣事之石浦同知舒恭受素得民心能用民加內地之策應兵勇船隻亦皆齊備水路山路均查探熟悉即使該逆大幫豕突而來似亦確有把握不難痛加剿洗以仰副

聖主肅清海寓之至意

諭軍機大臣等本日據裕謙奏浙江洋面安靖定海設守完備一摺據奏附近洋面並無夷船帆影山陬海澨潛伏居民漁戶以待邀截夷船現在定海有兵五千餘名大小礮七十位策應均

已齊備路徑亦已探明等語覽奏均悉仍著裕謙嚴加防範密行偵探現既備防周妥如有駛入卽行痛加勦洗以張捷伐其甯海縣游奕夷船該員弁等勦辦情形亦著據實奏聞

裕謙又奏竊等承准軍機大臣字寄道光二十一年三月初六日奉

上諭朕聞奕夷前在定海曾向伊里布索取覘器迨經送去該夷因不合意退還又伊里布與奕夷有無往來通信及私相餽送之事著裕謙密查據實具奏不可隱瞞代人受過等因欽此等因欽遵密查人各異詞且皆捕風捉影毫無確據因思伊里布凡送文件均係差鎮海營外委陳志剛前徃當以查詢

夷情補行獎賞為由。傳見陳志剛詳加詰問。據稱上年九月初間。十月十五十九。十一月初間。二十。後十二月初十。後本年正月初十四二十九等日。伊里布先後差伊前赴夷船投遞公文共九次。又上年九月二十六日。差伊赴夷船諭令開行一次。十月初三日。差伊送去牛羊鷄鴨等物。夷人收受。初八日。又差伊送葷器二桶。夷人不收。當即退還。本年二月初三日。又差伊帶同女夷一口。男夷一名。交還夷船。此外並無餽送物件。亦不知公文內所言何事等情。考察看該弁陳志剛人甚粗疏。並無詭譎情形。所言似無虛假。調查鎮海糧道帳簿。內有伊里布飭買牛羊鷄

鴉銀四百六十餘兩。又買盤銀五十兩二款。與陳志剛面  
稟相符。又調查卷據。僅有上年十月十七日咨會前署兩  
廣督臣琦善文內。有鈔粘與夷目往來照會各一件。又咨  
稿一件。存有底案。其餘亦無卷據可查。復加密訪。委無另  
有餽送情事。其節次所送。是否皆係公文。抑有書信。曾否  
錄稿奏明。因文卷不全。無從覈對。等奉

旨。密查。斷不敢稍為隱瞞。自取咎戾。

殊批。知道了。

丁巳。

諭內閣。前因楊芳怡良不能及時進勦。嘆逆仍請准令所屬之港。

脚商船在粵貿易降旨先行交部嚴加議處。茲據該部議照。弱職例革職實屬咎所應得。惟現當勸解喫緊之時。若竟予罷斥。轉得置身事外。楊芳。怡良。俱著改為革職留任。以觀後效。

山東巡撫托渾布奏。竊臣前因登州府現辦防勦諸事。必須臣親往稽查布置。於本月初九日自省起程。茲於十六日馳抵登州。連日接見鎮道府縣。備詢現辦情形。查登州府城傍海為地。依山為郭。衝臨大洋。為戰守扼要根本。城東北之抹直口。太平灣。沿海一帶。沙灘環曲數十里。並無高阜。城西北之丹崖山。陡插入海。城西之天橋口。海潮入城。為水師戰船停泊之所。因名水城。北對長山島。四圍七



十餘里洋面平敞。水城之西別起一峯，名曰橫寨。此寨之西南則為西山口，針對外洋廟島、黑山等島。再西則為板石崖、黑峯臺，地形高峻，山嶺起伏，賊船在洋則可以礮火轟擊城垣，賊匪登山則居高臨下，可以俯瞰郡城。虛實其形勢之險峻，實較各省濱海郡縣尤為衝要。臣於上年冬間，曾慮夷情反覆，郡城危險，訪求避敵之法，為固守之計。知麻袋裝沙排築沙堤，沙性柔滑，夷礮不能擊透。即經豫飭省西各屬購買麻袋，陸續運登。一面札行登萊青道、王鎮、登州府知府諸鎮等，相度地形，集夫興辦。該道府等以近城築沙止能護及城垣，移至海灘，則沿海之營盤礮臺。

教場及附近之民田廬舍墳塋悉資障衛惟工段綿長經費較鉅因集城鄉紳耆諭以大義經該紳士張懋張李王啓荃宮國照等轉相勸告城鄉士民踴躍爭先旬日之間民夫雲集於正月底開工分段排築計自西山口起至迤東之太平灣止大小沙隄共長二千二百三十二丈高者三丈五尺根寬六丈頂寬八尺有奇低者一二丈不等根寬三丈頂寬五尺統計官辦麻袋十四萬條民運沙土十萬二千三百八十餘方用夫三十萬六千餘工該道府等以民夫故力雖各為保護身家仍由公局每日酌給飯食錢文臣在省時據報開工亦捐廉遣弁酌賞以示激勸今

臣抵登據報工竣親率文武員弁周歷履勘各工一律穩  
實遠望則綿亘數里屹若長城近視則間段空缺各有門  
戶又令開礮試驗洵為礮丸不入當與登州鎮臣玉明商  
酌就隄後地勢分別安營設礮將調到之德州營兵二百  
名紮營於抹直口青州營兵二百名紮營於太平灣登州  
鎮中右兩營兵八百名紮營於教場迤西天橋口太平營  
兵二百名紮營於天橋口迤西至田橫寨濟南營兵一百  
名紮營於西山口兗右營兵二百名紮營於板石窟兗中  
營兵二百名紮營於黑峯臺以萊州壽樂兩營兵一百五  
十名分守郡城四門以高唐營兵二百名駐於城北教場

遼東海沙平漫之地為諸營策應並將由京借到漢軍營  
銅礮及登郡現有新舊大小礮位分設於沙隄空缺之處  
隄後無營則於隄上徧插旗幟以為疑兵隄後有營故令  
偃旗息鼓以示無備隄外則徧掘濠溝暗設陷坑使賊不  
能趨近賊若在洋放礮我兵伏於隄後不為礮火所傷待  
其礮過逼近內洋我兵於缺處開礮轟擊以守為戰則藩  
籬固而軍心自堅以戰為守則用力易而賊技無施

殊批所辦尚屬周妥隨時加意防堵

托渾布又奏竊臣前准軍機大臣字寄奉

上諭據奕經奏奉天旅順水師營面前南北隄城二島為奉天山

東兩省分轄。凡船隻往來天津等處。必由左右經過。實為南來海路要隘。請豫為把守等語。天津為近畿重地。旅順隍城諸島。既為南來海路要隘。是嚴守各口。即足以斷夷船來路。著耆英於盛京存貯礮位內。擇其大而準者。運往旅順各口。相度形勢。或築臺安設。或用船駕馭。其連南隍城各島要地。著托渾布遜運大礮一體安置。設有夷船駛至。兩面轟擊。可期得加該將軍巡撫等務。各相度機宜。迅速妥辦。仍將如何辦理之處。各繪圖貼說具奏等因。欽此。伏查南北隍城二島。在東省登州府城東北。距城二百四十里。兩島毗連。遙望如一。故向來但稱隍城島。並無南北之分。島之東北計海程一百八十里。係奉

天旅順口鐵山。此一百八十里之內為南來商船赴直隸天津及奉天錦州等處經由海道中樞政考內載隍城島與

盛京之鐵山中間相隔一百八十里其中並無泊船之所自鐵山起九十里之內令

盛京官兵巡哨自隍城島起九十里之內令山東官兵巡哨此兩省分轄之界即原摺所稱南來海路之要隘也臣以該處洋面遼闊且中樞政考指明中間並無泊船之處似屬大洋孤絕之地無險可扼島上安設礮位能否轟擊夷船必須詳晰確勘當經札委登萊青道王鎮登中營遊擊

塔清河水師營遊擊陳振疆前往查勘嗣據查明情形悉  
心參酌隍城兩島各周圍二三百里孤峯高聳亂石嵯峨  
北島間有零星漁戶南島並無居民該道等於履勘時至  
北島頂上最高之處四面瞭望浩無際涯問奉天鐵山所  
在土人指點北洋隱約中若有山形海氣微升即渺無所  
見北望數十里有商船經過如鳧如鷺浮游海面水溜勢  
急倏忽不見兩峯對峙遙望既不分明商船來往多在近  
島數十里之內島上俯瞰尚未真切則夷船由大洋竄駛  
不能一一瞭見更可意度而知兩省各於山島安設大礮  
遇有夷船駛過兩面夾攻度計礮力所及南北止於二三

十里其中間之百餘十里洋而斷非礮力所能邀截惟島  
上有兵有礮亦足以懾賊膽而壯軍威臣現已由登州府  
城酌撥大小礮數位派弁兵數十名飭赴該島常川駐守  
至駕船巡探本係向辦舊章自海口戒嚴臣慮水師兵力  
單弱即飭添雇漁筏多募水勇協同官兵節節巡防現准  
盛京將軍直隸督臣咨會亦於各海口嚴兵防禦三省聲勢  
已極聯絡惟有隨時咨會互相策應如遇夷船駛近或以  
礮轟擊或設計誘擄南近則南攻北近則北攻又將各處  
沿海口岸及有民居島嶼分兵巡防杜其薪水接濟使逆  
夷近無所窺退有乏食之虞似足以固藩籬而制賊命



諭軍機大臣等托渾布春勘明隍城島情形一摺據奏添雇漁筏  
多募水勇協同官兵節節巡防與盛京直隸各海口聲勢聯絡  
互相策應等情所議尚屬周妥均著照議辦理惟所奏山島安  
設大礮遇有夷船駛過兩面夾攻度計礮力所及止於二三十  
里中間百數十里洋面斷非兩面礮力所能邀截現已酌撥大  
小礮數位派弁兵數十名飭赴該島駐守等語該處山島既係  
孤岑高聳遇有夷船駛近礮力不能遽及又無策應設被逆夷  
將山島占據得毋借寇兵而奮盜糧耶此一條著托渾布再行  
斟酌妥議具奏

盛京將軍耆英奏道光二十一年三月二十二日承准軍機大臣字寄三月十八日奉

上諭現當勦辦夷寇恐智窮勢蹙分赴海口滋擾盛京最關緊要首宜扼要防堵昨據耆英等添造撞槍一百數十桿又添設烏槍九百數十桿均經降旨允准製造以資守衛該夷舍舟登岸便可轟擊制勝諒該將軍已迅速趕辦並將火藥加工舂鍊如式配合惟撞槍烏槍均係陸地施用未能及遠設使夷船駛至非連擊大礮安能破敵摧堅盛京大礮無多據奏少則不敷分撥大則工費浩繁自係實情然根本重地所關匪淺既不可畏難苟安亦難因噎廢食况夷船所至大礮不必登岸已能及

我若無禦敵之具何以固要隘而衛軍民該將軍駐紮海口已閱數月該處情形諒均熟悉萬一夷船駛回滋擾我兵如何抵禦及有無把握之處著據實具奏等因欽此仰見我

皇上慎重留都計及萬全之至意伏查克敵制勝軍火為先今逆夷智窮勢蹙若敢潛至滋擾須開放大礮轟擊方能遠制其命等先經選運舊存大小礮位四十四尊並製造撞槍一百三十桿烏槍九百八十桿火藥寬為備辦各就海口最要次要情形酌定槍礮軍火多寡分別安設演說以資捍衛惟舊存大礮無多且歷年久遠難免炸裂各海口多添大礮數尊更足以資保衛茲蒙

聖明指示不可畏難苟安。因噎廢食。才敢不竭盡犬馬愚誠。悉心籌辦。惟查奉天所屬海疆。十有餘里。而近岸處所。多係沙灘淺水。口門距大洋。自數十里至百餘里不等。大船不能攏岸。惟復州金州洋面。上年曾見夷船游奕。且金州間有老水貼岸。並有距城切近之處。才於上年秋間。駐紮該處海口。目覩情形。實為通省海疆最要之區。所有陸續撥往金州大小礮十尊。茲據該城守尉報稱。因連次演放。內有一尊炸裂。一尊碎裂。才正深焦急。當遴派協領恆升等。採辦鐵料。二十六萬斤。足敷鑄造八千斤大礮二十尊。所餘鐵料。即以之鑄礮子。惟礮匠實無其人。相應請

旨敕下工部及鐵匠局揀選匠役數名飭令迅速前來以便開爐  
鼓鑄俟造成後如何請員查驗演說如何酌撥各海口安  
設之處屆期請

旨遵辦至需用鑄礮工料銀兩應請在於船規項下撙節動支事  
竣覈實報銷

諭軍機大臣等據耆英奏請添鑄大礮以重海防一摺克敵制勝  
軍火為先該將軍現在採辦鐵料二十六萬斤為鑄造礮位礮  
子之用現已飭內務府令造辦處礮匠前赴盛京聽候造用惟  
所請鑄造八千斤大礮二十尊恐斤兩過重運用不能便捷著  
即鑄八千斤大礮四五尊其餘鐵料酌量分鑄一二千斤二三

十斤。礙位數十尊。體察復州金州各海口情形。妥為安設。以資捍衛。所需鼓鑄銀兩。准其在於徵存船規項下動支。事竣覈實報銷。

壬戌。湖廣總督裕泰奏。竊臣於道光二十一年三月二十五日。准湖南撫臣吳其濬咨。准軍機大臣字寄。道光二十一年三月十五日奉

上諭。本日據奕山等馳奏。湖南廣西存貯大礮甚多。足資守備等語。著裕泰吳其濬於該省存貯大礮。揀擇數十尊。迅速解粵。以資攻剿。又據吳其濬片。奏訪聞。漢夷遺漢奸數人。赴連州南雄一帶煽惑等語。著吳其濬嚴飭該處文武員弁。不分畛域。實力

訪摺僅有匪黨滋擾著即撥兵勦除屆時該撫察看情形如需親往彈壓即前赴該處督辦務使及早撲滅毋任蔓延等因欽此伏查長沙岳州兩處舊存礮位經委員查驗均皆斷折鋪損不堪適用臣復思湖北省城亦有存貯大礮並上年襄陽各屬收繳軍器案內解省礮位或有可卽當卽逐一查驗鐵性亦皆損蝕不堪其中僅有四五百斤鐵礮五位質地完整而歷年久遠並未試放恐其枯燥易裂與南省性形亦屬相符此外並無銅礮臣又以廢礮回火鑄造是否合宜廣為諮詢有稱尚可改鑄者有稱仍不可用者其說互殊遽難徵信吳其濬摺稱湖南宜章縣素產鐵斤就

近鑄造解粵可期。妥速飛咨靖逆將軍等查明咨覆等語。臣查前准浙江江蘇等省委員赴湖北漢口採買鐵斤添鑄大礮。來咨內開詢據匠頭稟稱鐵斤除福建之尤谿大田等縣紫花版鐵之外。惟川版秦江紫版為上。次則青口生鐵亦尚可用。然性燥易裂。其餘湖南之南版並具版生鑄均皆不能鑄礮等語。是鑄造大礮鐵質必擇精純。未容取料羸禿。各省軍庫所貯尋常操演檣槍烏槍等器。斤兩甚輕。隨處可以打造。近年來並無鑄過數百斤及數千斤以外大礮。此項工匠亦難其人。宜章地方所產之鐵。即所謂南版生鐵。是否與川版等鐵無異。可否尚堪鑄礮。並有無能



鑄大礮工匠臣前在湖南未曾深悉查大礮為行軍最要利器必須料取精純鑄由熟手方免炸裂傷人臨敵胎器現復咨詢吳其濬確查宜章鐵料工匠果否合用一俟接准奕山等咨覆如需鑄解即行詳慎妥辦以應軍需至湖南郴桂各屬皆與粵東連界瀕海居民或有避徙內地恐漢奸煙匪乘機勾結竄越滋擾亟應嚴加防緝臣遠駐北省深慮該處文武緩急未協機宜函檄頻仍諄諄開示以從來戰則用兵守則用民楚界距粵洋千里而遙烽煙尚遠若因防範奸匪遽調多兵前往則民心易惑轉致驚惶自宜密為籌布弭患未然檄飭永州鎮總兵英俊派令臨

或宜章桂陽等營將弁酌撥兵丁豫備器械各就本汛卡隘實力巡防不令遠調客兵以免驚傳風鶴復通飭勸諭士民編查保甲團練壯丁互相守望以助兵力不及匪徒既無從洩跡民心亦有恃無恐疊據該營縣稟報各卡巡防及辦理保甲團練諸事均尚周密地方安堵似無意外之虞撫臣吳其濬暫可無須前往彈壓以昭鎮靜現計川楚各兵業已齊集靖逆將軍等亦早抵粵定能秉承

廟算激勵雄師殲茲醜類而巨患竊聞廣東省河港汊紛歧逆船東西可至現在靖逆將軍等似須屯在佛山以上或清遠三水兩縣之間與省城佛山犄角相維俾後路軍聲聯絡

逆船不敢出沒西路分我兵加即佛山糧臺亦可藉資保  
護較為持重且漢奸傾伺多方消息易透今大營不使逼  
近逆船調遣官兵風聲稍遠亦於設伏出奇更昭慎密再  
該逆慣習風濤長於水戰恣橫大海勦捕甚難茲者深入  
省河距虎門海口一百餘里所謂投機之會正在斯時但  
該逆萬里興戎自以速戰為得而我之大兵遠至又以養  
銳為先現聞該逆到處掠食則其糧乏可知堅壁清野守  
禦加嚴使其師老食盡或間道抄伏絕其歸路或水陸兜  
剿夾用火攻籌策出以萬全自不難立制其命矣

諭軍機大臣等本日據裕泰奏楚省舊礮難以適用並現在防緝

情形一摺舊礙既難適用自應籌鑄新礙宜章所產南版生鐵  
如果尚可鑄鑄著即採買齊備俟奕山等咨覆是否須用迅速  
辦理毋誤要需惟湖南榔桂各屬皆與粵東連界難保無匪徒  
乘機勾結竄越著與吳其濬會商嚴加防緝並飭永州鎮派令  
臨武宜章桂陽等營將弁酌撥兵丁豫備器械各就本汛卡實  
力巡防復通飭士民團練壯丁互相守望使匪徒無從涓跡而  
民心亦有恃無恐仍當常川查察無得日久生懈至該督奏廣  
東防勦各情已諭令奕山等體察情形具奏矣

又

諭據裕泰奏稱粵省將軍參贊大營須屯建佛山以上或清遠三

水兩縣之間與省城佛山犄角相維俾後路軍聲聯絡逆船不敢出沒西路分我兵力即佛山糧臺亦可藉資保護該夷深入省河距虎門海口已一百餘里現聞該逆掠食糧乏可知暫時堅壁清野使其師老食盡或間道抄伏絕其歸路或水陸兜剿夾用火攻不難立制其命等語廣東現在情形自以保護省城設法攻剿為第一要務著奕訢隆亨齊慎到省後與楊芳相度形勢通盤籌畫裕泰所陳屯建攻剿各事宜是否可採悉心體察總須聲勢聯絡不致有顧此失彼之處方為妥善

參贊大臣楊芳奏現在漢奸漸次解散逆船亦退出省河除大黃窖停泊逆船大小十數隻外據虎門香山澳門等

處稟報沙角泊有三桅大兵船一隻。兩桅大三板船一隻。橫檔泊有三桅大兵船一隻。永安泊有三桅大兵船三隻。麻涌泊有兩桅大兵船一隻。大壕頭泊有三桅大兵船一隻。黃浦尾泊有三桅大兵船三隻。深井泊有三桅大兵船一隻。各等因。該逆分泊無常。輾轉遲留。無非希冀與味喇。噎各國一例邀。

思於急切待

命之餘。尚存游移窺伺之跡。予仍恐危城甫經鎮定。民心未釋。憂疑固先刻發。告示曉諭民居照常生理。一面嚴飭沿海各州縣營汛實力防堵。使該夷知我有備。以寒其膽。所有堵

勤事宜。隨機妥辦。李現在腿瘡復發。不敢因此稍存護卸。俟奕小隆客到省。再與協力同心。期於勤防全局。萬分無虞。以仰副

皇上綏邊安民至意。

楊芳又奏。李二月十三日趕到廣東省城。二十日自內城

大佛寺軍需總局騎馬方出小衙街。執人稱突有漢奸拉

李左肘幾墜。被李順手擒拿。訊無他訴。祇渾言認錯。李立

命梟首懸示。殺一人而眾心震恐。越六日賊逼省門城中

令行禁止。漢奸屏息。至於省河謀生小艇千百為羣。當二

月二十六七兩日三夜。賊船分泊白鶴潭之際。李因無木

料祇趕辦火船百隻。大竹火排二具。原擬順潮縱燒。其

如該逆三桅兵船火輪礮船。遙遙分泊。各有三板戰船分

護。而漢奸小艇千餘隻。遠近巡邏五六里。義律夜宿快解

船中。見火必遁。燒亦無濟於事。是以因味喇堅之請。暫為

羈縻。以待後路兵集。量籌防剿。惟水師弁兵早有空礮一

聲。取賂三百圓之譜。竊訪察關天培陣亡。因將備不敢強

兵點礮。關天培親手執火。而大礮火門早已透水。是軍民

被誘頹風。幾不可問。非與之洗心滌面。改絃易轍。斷難力

挽。至於消彌漢奸。竊擬就告示曉以利害。俟廣西巡撫梁

章鉅運到木排拒梯。攻具齊備。再行出示。曉諭收束奸心。



謀擊賊膽

諭軍機大臣等。本日據楊芳奏。夷船分泊情形。一摺。覽奏均悉。該逆連檣停泊。各口心懷叵測。若不乘此設法取勝。一經遠遁。何由追躡。況此次出師命將調撥糧餉。原欲大申天討。痛加勦洗。以靖邊隅。該將軍等惟當一意勤滅。斷不可為浮言所惑。此時奕訢隆文等計已到省。各路兵丁諒俱齊集。即著公同商酌。相度機宜。抄襲後路。一鼓殲除。毋令逆夷遠竄。又另片奏粵省漢奸情形等語。可恨之至。所稱關天培陣亡。因將弁不敢強兵。點礮關天培親手執火。而大礮火門早已透水。著即確切訪查。不肯點礮。及火門透水之兵丁。嚴密查拏。即行梟首示眾。懲一儆

百以肅紀律而挽頹風

乙丑閩浙總督顏伯燾福建巡撫吳文鎔奏臣等承准軍機大臣字寄奉

上諭裕謙奏定海需用大礮請借閩省八千斤六千斤各數位著顏伯燾吳文鎔體察情形實有多餘即如數借給僅僅數本省之用一面具奏一面知照裕謙毋致顧此失彼等因欽此又同

日奉

上諭裕謙奏夷船喫水甚深不畏風浪而畏礁淺若該逆改換小船只可裝載二三十人便不敢遠離大船並非處處堪虞港港可入著沿海各督撫通飭所屬測量水勢深淺灘岸遠近分別

防守團練仍先曉諭居民嚴禁接濟等因欽此伏查閩省本  
係濱海巖疆按造冊報大小礮位共一千一百餘門早經  
分設上下游各府及臺灣澎湖等處上年倭夷兩次竄至  
廈門滋擾防守海口全賴礮力及遠方能禦敵是以奏明  
新鑄八千斤六千斤大礮各十八門亦經分撥臺澎及內  
地緊要各海口安設前准裕謙咨借即經臣等據實咨覆  
在案茲臣顏伯燾到廈後察看情形尚須添鑄以資應用  
實無多餘可以撥借至閩省內地之福州興泉漳福五府  
均係濱海而臺澎更隔重洋險要林立非如江浙等省有  
數十里之沙灘方能到岸者比近惟臺灣之鹿耳門報有

沙淤而附近之四草湖又已寬深是亦此漲彼坍之理各屬測量情形歷有案據當其潮漲水深之時大小船隻無不可以進口即潮退水落逆夷小船固不敢久離大船然亦無處不可入港滋擾顧我軍大船破其小船正無難制其死命耳是各處防範不能不豫為之備其緊要地方或雇募以補兵丁之未充或團練以濟兵力所不及雇募者官為給資團練者自食其力其素稱礁淺及荒山野岸雖可視為緩圖然亦不能弛備即以廈門而論縱橫三十里南路水深港闊逆夷大船直可駛至腹內馬頭其北路西路雖不能入杉板則處處可通東路直接大洋更宜嚴為

防禦以守全廈門戶。以固全閩鎖鑰。臣顏伯燾泛海登山。目覩情形。是以久駐於此。躬為督辦。臣等職任封圻。凡有防勤事宜。惟天錫盡心力。冀彰捷伐而壯

國威。固不敢稍存拘泥。亦不敢徒事張皇。至嚴禁接濟。以及懸賞招徠諸務。早經次第施行。毋庸再議。

硃批依議

顏伯燾又奏。再。臣於本月二十日。承准軍機大臣字寄。三月初四日。欽奉

上諭。廈門為全閩咽喉門戶。該督履勘備禦。僅有夷船竄至。不難截擊兜擒。此外如尚有應需添兵安礮之處。著該督酌量相機

妥辦等因欽此。伏查臣駐廈月餘，已將添設兵勇安置礮位各事部署周密。因礮尚不敷，現即在廈趕緊另鑄。臣復躬率文武泛海東行四十里，至浯嶼，勘得該嶼外控重洋，內即青嶼大擔小擔諸島參差屹立，西入內港，方為廈門。是浯嶼又為廈門咽喉門戶。欲守廈門，必先守浯嶼。欲守浯嶼，必並守大擔小擔各該處。亟須建蓋石堡，應移遊擊一營重鎮浯嶼，分守青嶼小擔大擔。賊船若於浯嶼之北衝犯，則浯嶼與青嶼互以大礮擊之。若於青嶼之北衝犯，則青嶼與小擔互擊之。若於小擔之北衝犯，則小擔與大擔互擊之。其浯嶼之南、大擔之北，皆近大山，賊之杉板亦可聞。

○山之南岸北岸又可與浯嶼大擔互擊之。且浯嶼青嶼小擔大擔各島均宜分泊大小船隻以備策應。各島開礮則大船亦開礮迎擊。小船分駛焚攻。僅能仰仗。

天威將士用命。賊船安能進入浯嶼一步。而廈門穩如磐石。賊即未至。已行覆沒。而我軍乘勝以大小船隻分駛尾追。賊必不能喘息。又安從得受接濟。妄冀復燃。然閩省之加祇能追至粵浙交界而止。此臣現在督辦之情形也。刻下廈門閩閩安堵。兵勇整齊。臣擬久駐於此。以安其心。而壯其氣。陸路提臣普陀保已到泉州。臣俟稍暇。暫赴泉州與普陀保面商一切往返。不過旬日內外。臣受。

恩深重。惟有竭力盡心。以冀仰副。

鴻慈於萬一。

硃批知道了。

丙寅。浙江巡撫劉韻珂奏。竊臣於三月初二日。承准軍機大臣字寄。道光二十一年二月二十七日奉。

上諭。本日據琦善等奏。虎門礮臺失守。提督關天培陣亡。烏涌卡座被擊。逆夷兵船火輪船乘潮迅駛。距省不過三十里。現飭將弁極力抵禦等語。逆夷益肆猖獗。不勝髮指。浙省洋面現在尚有夷船游奕。江浙各處海口均關緊要。著該大臣等務遵前旨。加意防守。毋稍疏虞。又據海齡奏。請將沿海通商各馬頭港口。



嚴密查察暫為一律封閉不准一船一人出入俾內地米糧等物不致偷漏出洋暗中接濟並按捕漢奸藉得探知夷情虛實等語所奏自係未知收回定海一節著該大臣等體察目前情形是否可行悉心妥議具奏等因欽此臣惟防海宜嚴而察奸宜密喫逆夷船前在浙洋日久沿海口岸難保不潛為窺探雖經起碇赴粵而受挫之後其餘槩勢將復來是浙省各處海口誠如

聖諭均關緊要必應加意防守臣先經疊飭瀕海各處相度情形添工雇勇協兵防禦復恭錄前奉

諭旨分飭敬謹遵辦且於防逆之中示以勦逆之法或誘令擱淺

而攻其船隻。或誘令登岸而殲其醜類。或度厥力可及。痛加轟擊。或伺逆船下碇。乘夜焚燒。總以避其所長。攻其所短。為上策。現復飛飭文武。晝夜巡防。務期慎益加慎。免致疏虞。仰副我

皇上綏緝海疆之至意。至海齡奏請封港。原為杜絕接濟起見。惟各省情形不同。自應因地制宜。酌量辦理。查浙省海口大小八十餘處。內惟鎮海乍浦溫州為閩廣山東天津等省及本省商船銜尾接檣往來絡繹之地。而沿海及各畧居民。又多以捕魚為業。其通商馬頭藉搬運貨物餬口者。多則動以萬計。少亦不下數千。舍此別無營生。若一概封港。

直使商貨漂沒於巨浪漁船委棄於沙塗。杞水無以安身。夫役盡皆束手。既難盡募為鄉勇。又難驅使之分離。迨至飢餓難堪。不特流為盜賊。並恐聚而滋擾。且商船杞水。難以數計。半係强悍之徒。一經備起。夫所難保。不趨而附之。是欲安內而適以擾內。欲防奸而適以濟奸。其弊有不可勝言者。現在定海業已收復。臣就目前情形。悉心體察。並與

欽差大臣裕謙往返札商。意見相同。所有海峽奏請封港之處。浙省礙難照辦。惟漢奸必應嚴捕。接濟必應密查。臣先已嚴飭守口文武。實力偵緝。務期有犯必獲。盡法懲治。其馬頭

挑擡夫役除募挑充勇外餘仍設法駕馭僅有逆船駛近岸口即可一呼而至合力擒殺並許與防禦兵勇一體破格論賞務使可為夷用之人先為我用並先為夷用之人終為我用以彰激勸而收人心

硃批依議

山東巡撫托渾布奏竊臣前經奏明飭調臣標及三鎮官兵赴登州及榮成等縣擇要協防其沿海口岸陸營弁兵不敷撥守之處責成各地方官團練鄉勇以資防衛洋面遼闊水師弁兵不敷巡哨之處札行該地方官募雇水勇漁筏以資分段協巡一面酌籌經費嚴飭該管官覈實給

發口糧俾鄉民樂於應募不致徒循虛名先後據沿海各屬具報各就口岸多寡雇備鄉勇或四五百名或七八百名不等最要之登州府據報分守城垣海岸募雇鄉勇一千六百名巡哨洋面募雇水勇三百名漁筏一百隻各給槍矛刀械由該管道府派員會同訓練臣抵登後連日會督鎮道就海岸紮營之處將官兵與鄉勇合陣會操各營弁兵步伐頗形整齊而於隊伍陣勢奇正虛實亦多能領畧鄉勇較遜於官兵然亦進止有法不致漫無紀律現值駐防無事乘此暇豫再行責成各帶兵官不分兵勇逐日訓練務令卒伍同心兵將相習功無間斷自成勁旅所雇

水勇皆係沿海漁戶。生長海濱。慣習風濤。臣親詣口岸。逐一令其下海試驗。俱能沈伏海底。且駕駛漁筏小舟於驚濤駭浪之中。其疾如飛。現將漁船編列號次。各於船底暗釘夾板。藏硫磺火藥及噴筒火瓶火毬等物。每船撥水勇數名。令其常川在洋巡探。如遇夷船駛入。直則避匿於僻港淺灘。待夜深人靜。夷船寄碇下錨。乘機設法轟燒。並諭以夷匪所恃者三板小船。去其三板。即不能運動。資糧如能鑿沉三板一隻。賞銀三百兩。燒燬大夷船一隻。賞銀八千兩。斃斃夷匪一名。賞銀一百兩。生擒逆夷一名。賞銀三百兩。能擒其大頭目者。分別最要次要從優酌賞外。再行

奏請獎勵至登州鎮各營新舊大小各礮本有一百四五十位上年及今春由省西各營撥解一二千斤大礮及威遠劈山等礮一百五十位又由諸城縣撥解六七百斤銅礮五位又據造礮委員濟南府城守營參將托金太等新造七八百斤鐵礮九位共計新舊銅鐵大小各礮三百餘位現將各礮分置沿海要隘口岸臣親令分別試驗或十餘里或二十里各有準頭諸城縣解到銅礮製自元代礮身短而粗能放遠至三十里以外聲勢猛烈尤為摧堅制勝之具各礮俱設有礮車運動便捷臣仍戒以持重諭以練習膽氣如見夷船必待其駛近口岸度計礮力所及再

行轟擊。毋得望見帆影。輒先張皇。自擾。轉致賊近措手不及。伏思粵省大兵已協力勦攻。逆夷計窮勢蹙。四散奔逸。難保不乘隙北駛。臣竊度登州府現在兵勢。破加該逆。夷果敢北來。激勵將士。足資勦捕。

硃批實力防守

托澤布又奏。再登州府城銜臨大洋。經臣奏明購買麻袋運登。飭令於城外海濱。以麻袋裝沙。排築護城。避敵沙隄。以資捍衛。臣於三月十六日抵登。據該道府具報工竣。當將查勘情形。及於隄後安營設礮之處。分晰具奏。拜摺時。甫經到登。諸事紛紜。未及繪圖恭呈。茲辦理各事。漸有規



檄啟謹補行繪圖貼說附呈

御覽

硃批圖留中。惟山上所設之礮，是否得力，其詳酌之。

諭軍機大臣等，托渾布奏校閱兵勇，試驗礮位一摺。所議尚屬周妥。著即照議辦理。惟據補行繪圖呈覽，朕詳加披閱，該處山坡高低不一，離海道路遠近亦異，且洋面寬廣，水勢深淺，自各不同。必當勘度地形，分別最要次要，酌量安設兵礮，備防抵禦。方能得力。若於不甚險要之處，按段排列，轉同虛設，該撫現駐登州，著再體察形勢，是否得力，詳酌妥辦為要。

丁卯

欽差大臣江蘇巡撫裕謙奏竊照京口副都統海齡奏請將沿海港口暫為封閉一摺欽奉

諭旨飭令等查議具奏當經等體察情形議請毋庸封港浙江撫臣劉韻珂與等意見相同先後具摺覆奏在案嗣准兩江督臣伊里布鈔摺咨會江蘇省業已封港又經等以港不可封咨商變通去後未准咨覆茲復探聞伊里布買備沙船裝載石塊為填塞吳淞海口之計在伊里布必以為老成謹慎之謀而就江蘇形勢而論一經填塞其患有不可勝言者蓋吳淞海口港道寬深潮汐奔騰勢甚溜急若以船載石沈之水底水性遇堅即激激則沙泥浮動切近

沈船處所必至深濶不待數日其船即卸入深濶再激再卸縱使十分堅固之船亦已漂散不知去向即如上年浙江鎮海關口曾經載石沈船久無蹤跡是其明證然此猶不過虛糜經費示弱外是並無大患也最可虞者吳淞海口為太湖之尾閘匯江蘇之蘇松常太浙江之杭嘉湖六府一州之口以達於海故必吳淞海口通暢而後震澤始能底定與他省海口不同即與江蘇省別處海口亦異惟該處潮汐係挾沙而來是以口門內外條沙縷結夷船之不敢併幫行駛驟然闖入者在此蘇松等府十年九潦者亦在此近年以來因海口尚通不致十分為害每年仍有

蠲緩之處。設使沈船之後。水與船並不搏激。翻騰沙即因之淤墊。則口門淺阻。水不暢行。必將氾濫於田間。東南財賦之區。竊恐幾成澤國。再議挑濬。即糜帑數百萬。亦難為加。江蘇水利。幾經前人籌度。具有成畫。並非第一已偏見。今伊里布但知防夷。不顧農田水利。於江浙兩省大局。不無窒礙。况填海防夷。亦非善策。耶。至伊里布之奏請封港。係為杜絕接濟米糧。硝磺起見。惟查逆夷日食所必需者。在牲畜。不在米糧。即如定海縣城內。俱被搶掠一空。獨倉穀尚存有萬餘擔。查其所以不行搶掠之故。則因該逆惟首目人等。尚知以米為飯。然仍賴牲畜充飢。其餘兵丁。皆

以夷餅乾肉為食以欸平日所聞證諸前獲夷匪喂啖亦  
得供詞適相符合其為不重米穀已無疑義查牛羊猪隻  
本非商漁船內應帶之物雞鴨亦非商漁船內常食之餌  
且有鳴啼之聲斷難掩人耳目欸業已出示曉諭如有攜  
帶牛羊猪隻出洋者即以通夷論其日食所需各項鮮肉  
雞鴨等物亦酌定斤數隻數以示限制通數即行拏辦硝  
磺一項自上年以來江蘇安徽等省查禁甚嚴各省又委  
員四出採買透漏之弊似已漸就肅清守口員弁果能實  
力稽查禁之亦易况此等接濟之徒大抵皆潛蹤於偏僻  
港汊而不出入於通商正口若不問奸良一概禁止出入

未免因噎廢食。且江蘇之松江太倉通州海門四府州廳及所屬各縣土產棉花布疋用本地沙船運赴山東直隸奉天銷售與南洋亦屬無涉。又江蘇以北腹裏各省所需糖斤南貨悉由閩廣沙船運至上海轉運。當此風颶浪熾之時南北兩洋貨船雲集。遽行禁止出入則商船不通貨物阻滯小民手胼足胝終歲勤勞抱布攜棉無處售賣不能易米餬口豈非自困商民各船水手及棹挑各夫率多獷悍無業之徒一經封港無以為生更難安頓。又漁船一項每年自清明以迄夏至為漁汛有頭水二水三水之分一年之計全在於此與上年之封港在六月以後者情形

迥不相同。蘇松常淮揚五府各通海三州並海門一廳之沿海沿江貧民以漁為生者以數萬計。設遇漁鮮不旺之年猶虞其流而為盜。今值漁汎而禁其採捕該漁戶饕餮失望事畜無資。即使安分守法坐以待斃為民上者問心亦有所不忍。夫攘外必先安內而安內之法不過因民之利遂民之生。欲與聚而惡勿施使之各得其所然後激以忠義歆以重賞則民情孚洽樂為我用兵民協力攘此小醜直等摧枯拉朽。從未有拂民之性而能安內亦未有內不安而能攘外者也。矧愚昧之見封港之令行則患速而補救猶易塞口之計行則患遲而挽回更難。吳淞海口既

萬萬不可填塞。即各處港口。現當定海收復。江蘇洋面平靜之時。亦不可封閉。其杜絕接濟之法。則全在官弁兵役。各矢良心。認真稽查防範。尤在該管上司。賞罰嚴明。不應與民為難。有負。

聖主子惠黎元之至意。

裕謙又奏再芽前奉。

諭旨。飭查伊里布與奕奕有無往來通信及私相餽送之事。當經芽查明據實覆奏在案。茲復續查得上年九月二十六日。伊里布差陳志剛前赴奕船。諭話曾派其家人張禧改名張士瀉。載用六品頂帽前赴。又十月初三日。送牛羊等物。



赴夷船張禧亦曾同去。此次夷人回有禮物係洋呢三疋、  
嗶嘰十疋、洋布二十五疋、千里鏡三件、鍍金鈕一盒、伊里  
布收受。發交糧臺存貯。並另有送張禧禮物。因甚秘密。即  
同去之陳志剛亦不得其詳。而確有其事。則人所共知。又  
本年二月初三日。送夷人回船張禧亦曾同去。既經查  
實。不敢隱瞞。代人受過。再伊里布前收禮物。已於本年二  
月初三日。送夷人回船之便。帶往退還。

諭內閣伊里布著來京聽候諭旨。兩江總督著裕謙補授。其未到  
任以前著程喬采暫行兼護。

諭軍機大臣等。本日已降旨著伊里布來京聽候諭旨。將裕謙補

投兩江總督矣。伊里布接奉此旨後，著即將兩江篆務交程晉采暫行護理，即行起程來京。其家丁張禧一名，即著伊里布管帶來京聽候查辦，勿任逃逸。再朕聞伊里布買備沙船裝載石塊為填塞吳淞海口之計，該處海口關繫農田水利，一經填塞為患不小。此議紕繆之至，現在如已填塞，著伊里布即行開通。儻辦理不善，致有淤墊漫淹等弊，必當重治其罪，決不寬貸。

又

諭本日據裕謙奏續查伊里布差人赴夷船諭話，並派家丁同去該夷致送禮物等語，已明降諭旨，令伊里布來京聽旨。兩江總督著裕謙補授矣。裕謙接奉此旨，即將定海應辦事宜交劉韻

珂余步霄周開麒等妥為經理該督即赴兩江總督新任如有未了之事必須親身督辦或於到任後再行赴浙查辦亦無不可至伊里有填塞吳淞海口之議其患不可勝言已降旨令伊里布將已填者速即開通未填者即行停止裕謙到任後仍飭屬遵辦以利民生所有伊里布家丁張禧已令伊里布自行帶京其陳志剛一名即著裕謙解京聽候查訊

裕謙又奏承准軍機大臣字寄道光二十一年三月十五

印奉

上諭據裕謙奏擒獲逆夷正法一摺此船所逃何項糧食白夷一名如何誘擒逆夷三名如何殺傷是否兵勇業上彼船押係誘

令登岸其所乘夷船現在作何下落著裕謙確切查明據實具奏等因欽此。○ 茅伏查二月二十三日有夷船一隻駛至定海縣之吉祥門旋又折回南去。○ 經茅委往定海總辦善後之江蘇候補知府黃寬等調派水勇梁金容等並處州鎮標外委莊國賓選帶兵丁改裝易服駕坐漁船跟蹤追躡二十八日至青龍港洋面見白夷喂啉哖帶同黑夷五人手持烏槍駕坐杉板小船在彼游奕。○ 經鎮海縣民嚴鶴替李永揚張位炳汪忠茂誘令打鵲指著山麓樹林以兩膀作鼓翼狀又指著烏槍作打鵲狀。○ 夷逆會意登岸履鶴林等喊擊。○ 莊國賓等同該處汛兵漆秀林等趕上圍住一齊動

手將為首之喂唛唛得一名砍傷頭顱手指等處另有砍傷三人當將喂唛唛得獲係係莊國賓首先下手殺傷三人係梁金容首先下手因兵勇爭搶首犯致已受傷三合及未受傷二合乘間逃回杉板船駛歸大船即向東南外洋倉皇疾駛而去至船內所運糧食前據喂唛唛得供係猪肉乾牛肉乾及夷餅等物夷餅係以麥麩為之供黑夷之口食白夷中之下等執事及當兵者俱食乾肉雜以夷餅其夷酋人等需食牛羊豬雞鴨等鮮肉皆係就地採買等情等久有所聞其前在直隸山東浙江等省所索及在定海所掠皆係牲畜又考其自行紀載之華事夷言一書

亦有船上所食皆鹹肉一見鮮肉如同珍寶之語則該船所載係乾肉夷餽尚屬可信惟船已遠竄無從查察是以即將該逆先行正法

殊托知道了

裕謙又奏再浙江洋面現甚安靜惟前在金漆門等處洋面游奕之夷船一隻忽隱忽現出沒於深水外洋之中誘之不來躡之即却情形甚為詭詐若非探聽消息即係圖銷私貨勢惟有會同提臣余步雲督率在事文武嚴守口岸杜絕接濟並派弁兵勇濶入漁船之中隨處嚴查隨機辦理務令知所做畏仰慰

宸廔。

殊批知道了。

靖逆將軍奕山參贊大臣隆文兩廣總督祁墳奏竊等因  
山等前經奏明在韶州停泊等候臣祁墳到時會商一切  
嗣臣祁墳聞信兼程趕到等因於舟次會晤面籌一切查  
韶關為後路官兵及軍餉必由要路下游三水佛小亦係  
分貯糧草之所佛山以下花地距逆夷現泊之大黃窰  
相去十數里不可不預為之防當即札飭南韶連道楊九  
噶趕緊採辦木排一千二百座多製木礮雇覓水勇順流  
推下運至三水縣佛小一帶以備攻守一面飛飭先到官

兵於省城附近北教場勘定地方安設大營並令於各要隘分投嚴密防守等語即日督率催到湖廣四川官兵九百餘名整旅而進所駕船隻係平底蘆蓬不能安礮抄襲後路斷難得加行次佛山地方接見藩司梁寶常面稟奉前任督臣琦善札飭趕鑄八千餘斤大礮四十位現已鑄成十二位等語即就前往驗看所鑄礮身均極堅濶現已飭陸續運省擇要安設其餘仍令照式趕鑄等語於二十三日行抵省城周歷內外察看形勢其城北面依山而立左右並無平曠之地東西南三面皆水港汊處處可通名為省河實為支海每日潮至深七八尺面寬三四里五六



里不等。惟鳳凰岡河面較窄。陸兵擡礮尚能攻。及其餘非船載大礮。未能得加。若專恃陸兵。又難夾擊。前經楊芳移咨廣西撫臣。購造大料木礮。尚未放到。所謂各路礮位。亦未能到齊。惟現有開船貿易之說。趁此羈縻。才等與楊芳協力同心。督飭文武各官。趕造攻具。一俟布置就緒。即便乘機進剿。以慰

虛懷

妻古隆。咨祁墳。又奏。密查粵省情形。患不在外。而在內。各商因夷以致富。細民藉夷以滋生。近海商民。多能熟悉夷語。其中狡者。布為奸細。凡在省各衙門。一舉一動。暗為通

知捷於影響且水師一營自兵丁以至千把前此無不藉  
包庇鴉片以為生理用兵以來於逆夷惟恐不勝於煙禁  
惟恐不弛故上年十二月逆夷攻破大角礮臺副將陳連  
陞父子奮勇捐軀而兵丁與難者寥寥無幾烏涌之賊實  
因本地兵望風先逃以致湖南兵弁失陷使總兵祥福受  
傷落水身死虎門之失夷船近在咫尺兵丁並不點放礮  
位各自逃走提督關天培手斬數人不能禁止是以被夷  
破打傷而亡並訪聞與逆夷交仗兵勇脫逃登岸改換民  
裝佯為觀望否則倉皇落水夷匪撈救送回並不加害致  
令海口礮臺十餘座礮位一千餘尊望風而靡盡行化為

烏有本省兵船既不堪戰前督臣林則徐收買夷船一隻亦被燒燬種種情由實堪痛恨使各兵稍有天良何至逆夷長驅直入然急則生變誅不勝誅而夷匪專用小恩小信收拾人心本地匪徒結夥搶掠夷匪反用礮轟擊以為保護是以安業之民惟恐主戰而無賴之徒又惟恐不戰不得藉以行劫也人情若此深為可慮省城大小衙門俱有漢奸探聽信息傳送夷人每紙賣銀二十圓甚至憑空捏造以惑眾聽詭計多端機宜不得不密摺等於密訪嚴拏外凡一切奏稿以及緊要公文督飭隨帶司員隨時親自檢束即如製造火器現今既許各國開船貿易而趕造

攻具即不可令其聞知。等現於貢院設局擇其秘密處所易於關防。委張必祿等督率工匠晝夜趕造大小火箭。蒺藜火毬毒火炸礮毒火毬等件。凡匠役人等准入不准出。即等親身試驗。並不隨帶一人。是防民甚於防寇。此等所謂患不在外而在內者。此也。等現於前後續到官兵數內挑取敢戰之將精銳之兵。加以鼓勵。俟火具趕出。擬以黑夜用快蟹船數十隻。每隻能載三百餘斤鐵礮一尊。佛郎機四箇。並各火器。分布港口。以攻逆夷大艇。則不及。以攻三板。則可。中內用木解乘載火具。令水勇順潮推放。延燒兩岸。分設陸兵乘勢前後兜擊。攻破其三板船。

則火輪大船必竄出外洋而軍威可以大振矣。惟現在各國貿易船隻停泊雜處，難以辨認。儻若不分玉石，誠恐他國夷船因而驚擾。等惟有時留心相機而動，斷不敢因目前有通商之說，遂存觀望之心。以副

委任

諭軍機大臣等據奕山等馳奏到粵察看大概情形並籌備一切等語。現在攻戰之具尚未齊備，惟有趕緊密為製造。毋令該夷得有傳聞，並嚴拏漢奸，不使偷漏消息。所需木排礮位仍飭南韶連道楊九畹廣東藩司梁寶常等分別趕緊採辦鑄造。一俟戰具齊備，該將軍參贊等即行乘機進剿，以慰朕懷。城內既有

漢奸通信如能拏獲一名即行梟示一名將來出勒時亦須嚴  
密防範為要前據楊芳春逆夷義律現住快蟹船中似不難用  
謀擒獲總須我兵大獲勝仗使逆夷喪膽乞命或縛獻義律明  
正典刑庶足振國威而伸義憤該將軍等斷不可因目前用羈  
縻之計稍存觀望坐失事機朕日盼捷音之至

辛未兩廣總督祁埴奏竊臣奉

命督同江西藩司趙炳言廣東藩司梁寶常辦理粵省糧臺已於  
安徽江西途次先後奏請飭令趙炳言在江西南安府設  
立糧臺駐紮料理並於廣東韶州府安設一臺責成南韶  
道楊九峽督同韶州府周壽齡就近暫行照料仍在佛山

鎮及三水英德等縣分設小局二三處委員逐站護餉臣率同藩司梁寶常駐省設局督辦並將撥解餉銀採買糧石鑄造碾倍購備火繩火藥一切大概情形節次奏明在案茲臣於三月二十三日行抵粵省詢知省城已設總局當即責成該司梁寶常督率委員妥為經理其佛古英德三水應設分局數處除佛山一處業經撫臣怡良奏請先行設局外擬於三水英德二縣及入境首站之南雄州各設一局委員分駐催前提後源源運解謹將自江西南安府至廣東省城所設糧臺各局程站里數繪圖貼說恭呈御覽至需用餉銀前經撫臣怡良奏明先行動支藩關各庫銀兩

茲臣抵省後並據怡良面稱已於關庫內動用銀三十六萬兩其兵食一項臣已奏請在廣西梧州一帶採買由水路運赴廣東肇慶府及三水縣直達廣州應如何分站接運之處現已飭司查照例案妥為辦理又據藩司稟稱軍營需用八千斤鐵礮四十位前飭佛山廳同知趕緊鑄造現已鑄就十二尊聽候提解大營至應鑄銅礮現在江西省已將銅斤解到即行鑄造所有局貯硫磺足敷配製火藥之用惟硝斤存數較少已飭硝商趕緊運解並據南安糧臺詳報已由江西各營撥解火繩四千盤一面多解麻斤製解起解可期無誤查各省辦理軍需俱係因地制宜



其支銷款即往往不能盡。此次粵省海洋用兵如雇備  
漁船水勇製辦柴草火船等項及河內釘椿填石較之陸  
路情形不同多有例案未能賅載者。臣惟有督飭該藩司  
等隨時酌量情形認真辦理。其餘未盡事宜容臣隨後再  
行酌定款冊分別奏明辦理。

諭軍機大臣等本日據祁墳奏酌擬糧臺章程一摺據奏三水英  
德二縣及入境首站之南雄州各設一局委員分駐需用餉銀  
已於關庫內動銀三十六萬兩並採買兵食趕鑄銅礮等情俱  
著照所議辦理。惟雇備漁船水勇製辦柴草火船及河內釘椿  
填石各事宜例案既不賅載易於因緣為奸著祁墳督飭藩司

隨時隨事認真密查。毋任屬員藉詞無業。任意虛糜。為要。再前據奕山等奏。在省各衙門。皆有漢奸。一舉一動。暗為通知。等語。漢奸助逆通夷。最為可恨。兵機洩洩。貽誤非輕。著該督體察情形。應查拏者。嚴密查拏。從重懲治。應解散者。設法解散。期就肅清內地。少一漢奸。即逆夷少一黨羽。不日兵燹齊集。勦辦較易。為力也。